

Zeitschrift: Bündner Schulblatt = Bollettino scolastico grigione = Fegl scolastic grischun

Herausgeber: Lehrpersonen Graubünden

Band: 51 (1991-1992)

Heft: 5

Nachruf: Zum Gedenken : Aluis Tuor, Cumpadials

Autor: Giger, Conradin

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 23.07.2025

ETH-Bibliothek Zürich, E-Periodica, <https://www.e-periodica.ch>

Mitteilungen

Zum Gedenken

Aluis Tuor, Cumpadials

Diu e Bab, la porta arva ussa a quels che han cartiu.

Da perpetna mort els salva muort Tiu fegl, il benediu!

Strusch capeivla, denton tuttina verdeivla ei stada la tresta nova dalla mort prematura da scolast Aluis Tuor-Degonda. Cura che nus vein udiu ils 4 da fenadur giud igl imposant clutger dalla baselgia parochiala da Sumvitg il lamentont tuchiez da bara ei bein l'emprema damonda stada: «Tgi ei miert?» Mai fuss nies patratg seretenius tier il num Aluis Tuor; mo tonaton stu ein nus sedar giu cun la realitat e prender l'annunzia per vera. Nus stuein danovamein esser pertscharts che a tut agir terrester eisi tschentau cunfins, era sch'ei va beinsavens vess a nus da capir e d'acceptar quei. Plaunet – mo era d'in mument sin l'auter – san nossas forzas disdir e quei aunc avon che tut nossa lavur planisada seigi terminada. Quei destin ha era tuccau nies bien amitg e collega Luis.

Gliendisdis, ils 8 da fenadur, ha in imposant conduct da bara accumpignau las restonzas terrestras dil defunct en baselgia a Sumvitg, per lu surdar ellas



suenter in commuentont survetsch di vin alla tiara benedida. Era tut las unius, per las qualas il trapassau ha unfriu biaras uras da siu temps liber, han rendiu al fideivel commember la duida honur.

Aluis Tuor ei naschius ils 17 da decembre 1936 a Cumpadials. Il Luis ei staus il secund da 4 affons dalla famiglia Cristian e Matilda Tuor-Albrecht. Sper aunc duas soras ed in frar ha el giu la ventira da passentar in bi temps da giuventetgna. Deplorablamein han ils fargliuns Tuor piars gia igl onn 1961 ils geniturs, e quei omisdus enteifer 3 meins.

La scola primara frequenta il svegliau scolaret a Cumpadials e la secundara a Sumvitg. Duront las vacanzas da stad che fuvan da gliez temps aunc dètg liungas, anflan ins Luis beinsavens en survetsch tier ils purs, e quei en differen- tas scharschas. Gia dil temps ch'el fuva aunc scolar, reflectava el ina certa seri- sadad cungida cun buontad ed in grond senn da responsabladad, quei ch'el ha mantenui vinavon entochen sia mort.

Il plan d'entrar gest suenter la scola secundara el seminari da scolasts a Cuera fuva aunc buca urdius definitivamein. Aschia porscha in onn Svizra franzosa al cumissiunari da Cumpadials ina dètg interessanta occupaziun. Denter 1954 e 1959 frequenta Aluis il Seminari scolastic a Cuera. Da gliez temps fuva il diember da scolasts el Grischun nunsufficients per occupar tut las plazas vacantas. Perquei fuvan ins visaus sin il seminarists dalla davosa classa. Aschia daventa la scola da Selva en Tujetsch siu emprem plaza da laver ed il giuven seminarist semetta cun curascha e plascher el survetsch d'ina scola cumplessiva.

Sco giuven scolast gest patentau instruescha Aluis a Vella en la biala val Lumnezia. Schegie che il dar scola a Vella plascheva oreifer, sedecida el suenter dus onns per la plaza libra el vitg natal da Cumpadials. Igl onn 1970 vegnan las classas superiuras da Cumpadials integradas en la scola a Sumvitg. Era leu instruescha il versau educatur las classas superiuras. Las classas 5avla e 6avla e lu pli tard la quarta entochen 6avla daventan il pensum permanent da scolast Luis ed el pren era quel buca sin la schuiala leva. Beinsavend tgei che vegn prendiu oz ora en la veta, sestenta el nun stunclenteivlamein da porscher, mo era da pretender da ses scolars laver entira.

Era ils responsabels per la scola professiunala, da gliez temps a Cumpadials, rendan attenziun a scolast Luis ed el vegn era engaschaus leu per plirs onns. Sia laver en scola vegneva adina appreziada zun fetg da ses superiurs. Sia devisa fuva bein lezza che en l'educaziun ed instrucziun seigi mo il meglier bien avunda.

Nuot surmuntava denton la gronda legria e carezia che il bab demussava viers sia atgna famiglia. Igl ei stau igl onn 1964, ils 27 da zercladur che il spus Luis ha menau sia carezada spusa Filomena Degonda agl altar. La nova famiglia Tuor-Degonda vegn lu benedida cun quater affons, 3 boubs ed ina buoba che ein luschezia e rihezia dils ventreibels geniturs. Denton buca mo sullegl, mobein era umbriva fiera meinsvart grondas lieungas viaden el cauld d'ina veta plein glischur. Aschia daventa il mitraglier Luis muort ina greva sferdentada pazient militar e sto serender per in miez onn a Tavau. Cun grond sustegn da sia consorta varga era quei temps relativamein spert e plein curascha semetta il convalescent puspei al guvernagl da siu mintgadi.

Ina tala forza da laver, plein premura e cun criteris serius e beinponderai ei adina tschercada. Ei fuva bein era enconuschent a biars ch'il plaid «NA» figurava buca el vocabulari dil trapassau. Gest ord quei motiv vegn Luis clamaus per differents survetschs al cuminetel. Aschia carscheva il crest dils engaschis. La laver vegneva liquidada cun exactitud exemplarica. Damai ch'igl ei strusch pusseivel d'entrar en detagls selubeschel d'enumerar entgins dils survetschs prestai e quei senza pli grond commentari. Organist a Cumpadials - vice-dirigent dil Chor mischedau Sumvitg-Cumpadials – commember dalla Societad da musica Sumvitg-Cumpadials – actuar e pli tard president dalla Uniun ceciliana dalla Cadi – entochen sia mort cassier dalla Uniun cantunala da dirigents ed organists – regisser e beinsavens era translatader da tocs humoristics per las uniuns culturalas –

actual president dil vischinadi da Cumpadials – president dalla cassa da Raiffeisen Cumpadials – biars onns president dil pauperesser da nossa vischnaunca – fundaziun Margreta Tuor – president dalla cumissiun da quen e gestiun dil cumin dalla Cadi, sco era da cuort nieveligu derschader.

En ils novs mieds d'instruczun per nossas scolas sursilvanas anflein nus beinsavens denter ils collaboraturs il num Aluis Tuor. Tgi che ha enzacu fatg viseta alla casa s. Giusep a Cumpadials anflava beinduras il versau administratur en siu biro, mo savens era en discuors cun ils cussadents, pils quals el anflava adina in bien plaid. La renovaziun, sco era l'erecziun dil Café agiuntau alla casa, ein segiramein era gronds merets dil versau ufficial da finanzas Luis. Grond plascher ha il defunct segiramein giu cura ch'el ei vegnius numnaus commember d'honur dalla societad da musica sco era da sias honoraziuns sco veteran da cant e musica. Buca meins plascher ha il Luis giu cu ch'el ei vegnius dumandaus da far padrin dalla nova bandiera dalla giuventetgna da Cumpadials.

In tal engaschi füss segiramein strusch staus pusseivels senza gronda capientscha da sia famiglia ed en special dalla consorta Filomena. Ad els tuts s'auda da quest liug anora in grond engraziament e nossa sincera condolienttscha.

Il scolast engaschau, mo era igl um che veseva e saveva appreziar e ludar tut prestau che pareva ad el bi e bien, ei buca pli. Sia largia vegn aunc ditg a sefar valer denter nus. Nus stuein denton seconsolar culs plaids che dian: «Segner Tia veglia daventi sia tiara sco entschiel.» La talina che porta la raccolta da collega Luis ei pleina ed il fretg semnau vegn plaunet a semadirar e far honur al trapassau.

Prezaiu collega. Ti has exequiu cun premura exemplarica la rolla surdada a Ti dil Tutpuissent. Tgi che lavura per famiglia, scola e cuminetel cun aschi gronda carezia e perschuasiun, astga remetter ruasseivlamein sia olma al derschader.

Ruaussa en Diu!
Conradin Giger

12. Untervazer Minivolleyballturnier

Kat. A Knaben

Jahrgang 76 + jünger

Kat. B Mädchen

Jahrgang 76 + jünger

Kat. C Gemischt

Jahrgang 79 + jünger

Anmeldung bis 28. April 1992 an: Judith Giger, 7064 Tschiertschen

Telefon Privat 081/32 14 41, Schule 081/32 11 45